



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XVI

BROJ: 263

DATUM: 11.11.2019.GODINE



Usluge Saveza PRAVNO SAVJETOVALIŠTE:

Selma Fišek, viši saradnik za pravna
pitanja
fax: + 387 33 552 810
selma@sogfbih.ba

FINANSIJSKO SAVJETOVALIŠTE:

Gregor Jurišić, viši saradnik za
finansijska pitanja
Fax: + 387 33 552 810
gregor.juriscic@sogfbih.ba

Sadržaj biltena:

Saopštenje sa Desete sjednice
Predsjedništva Skupštine Saveza
općina i gradova FBiH

Sastanak gradonačelnika/načelnika
Tuzlanskog kantona sa SOGFBiH

Održan treći sastanak Radne grupe za
pomoć radu Mreže praktičara/
koordinatora Saveza općina i gradova
FBiH i Saveza opština i gradova RS-a
za poslove sa mjesnim zajednicama

Održana obuka na temu "Razvoj
kompetencija izabranih zvaničnika u JLS
za usluge vodosnadbijevanja, odvodnje i
prečišćavanja otpadnih voda

U Čapljini obilježena Evropska sedmica
mobilnosti

Održana zajednička konferencija
Mreža praktičara /koordinatora iz
jedinica lokalne samouprave za poslove
mjesnih zajednica,

Dani općina/gradova

Bilten Saveza općina i gradova Federacije Bosne i Hercegovine

SAOPŠTENJE SA DESETE SJEDNICE PREDSJEDNIŠTVA SKUPŠTINE SAVEZA OPĆINA I GRADOVA FEDERACIJE BIH

09.10.2019. godine u Sarajevu je održana Deseta sjednica Predsjedništva Skupštine Saveza općina i gradova Federacije BiH.

Predsjedništvo je na ovoj sjednici prihvatilo zaključke za zajedničke sjednice Komisije za ustavna i zakonodavna pitanja, Komisije za imovinska pitanja, prostorno uređenje, stambeno-komunalne djelatnosti i zaštitu životnog okoliša i Komisije za razvoj i unapređenje lokalne samouprave u okviru kojih su razmatrani različiti federalni i kantonalni propisi koji se tiču oblasti lokalne samouprave. Predsjedništvo je podržalo usaglašene stavove načelnika općina iz Kantona Sarajevo o nacrtu Zakona o lokalnoj samoupravi Kantona Sarajevo koji nije prihvaćen u ponuđenoj formi.

Prednacrt zakona o građevinskom zemljištu koji je izradila radna grupa u kojoj je Savez imao svoja dva predstavnika je ocijenjen kao dobra osnova za izradu nacrtu, s tim da će Savez svim svojim članicama dostaviti ovaj prednacrt kako bi se mogle očitovati o istom.

Članovima Predsjedništva su se obratili direktor Agencije za državnu službu Federacije BiH Refik Begić, kao i direktor Agencije za prevenciju korupcije i koordinaciju borbe protiv korupcije Hasim Šabotić koji su govorili o potrebi unapređenja saradnje između Saveza i navedenih agencija.

Predsjedništvo je informisano i o različitim aktivnostima Saveza vezanim za učešće predstavnika Saveza u tematskim podgrupama za izradu Strategije razvoja Federacije BiH, izmjenu Uputstva o određivanju udjela kantona, jedinica lokalne samouprave i nadležnih kantonalnih organa za ceste u prihodima od indirektnih/neizravnih poreza i načinu raspoređivanja tih prihoda za 2019. godinu, planu posjeta jedinicama lokalne samouprave, elementima i planu aktivnosti javnog zagovaranja Saveza za izmjene Zakona o pripadnosti javnih prihoda u Federaciji BiH. Takođe je bilo riječi i o zaključcima Općinskog vijeća Općine Hadžići u vezi sa migrantskom krizom, kao i Uredbi o postupku prijema u radni odnos u zavodima, agencijama, direkcijama, i upravnim organizacijama, pravnim osobama sa javnim ovlastima na teritoriji kantona, grada ili općine u javnim ustanovama i javnim preduzećima čiji je osnivač kanton, grad ili općina, te u privrednim društvima u kojima kanton, grad ili općina sudjeluju s više od 50% ukupnog kapitala koja je trenutno predmet zahtjeva za zaštitu prava na lokalnu samoupravu pred Ustavnim sudom Federacije BiH.



Sa Desete sjednice Predsjedništva skupštine SOGFBiH

SASTANAK GRADONAČELNIKA/NAČELNIKA TUZLANSKOG KANTONA SA SAVEZOM OPĆINA I GRADOVA FBiH

Gledajte Savez općina i gradova
Federacije Bosne i Hercegovine na



Savez općina i gradova Federacije Bosne i Hercegovine je u srijedu 23. oktobra 2019. godine upriličio sastanak između gradonačelnika/načelnika Tuzlanskog kantona i predstavnika Saveza općina i gradova Federacije BiH. Sastanak je održan u Gradskoj upravi Grada Tuzle.

Teme ovog sastanka bile su saradnja jedinica lokalne samouprave sa područja Tuzlanskog kantona sa Savezom, izrada Akcionog plana Saveza za 2020. godinu, kao i saradnja Saveza sa Federalnim organima i organima Tuzlanskog kantona po pitanju konsultacija u postupku donošenja zakonskih propisa.

Predstavnici Saveza općina i gradova su predstavili Analizu pripadnosti javnih prihoda jedinicama lokalne samouprave u Federaciji BiH, te se raspravljalo i o prijedlogu Saveza za povećanje udjela jedinica lokalne samouprave u Federaciji BiH u raspodjeli prihoda od indirektnih poreza sa trenutnih 8,42 % na 9,81 %, te povećanju koeficijenta za raspodjelu prihoda od poreza na dohodak. Učesnici sastanka su saglasni da se pokrenu odgovarajući postupci pred Ustavnim sudom Federacije BiH u vezi sa Zakonom o pripadnosti javnih prihoda u Federaciji BiH ukoliko se ne uvažavaju prijedlozi i zahtjevi jedinica lokalne samouprave i Saveza.

Posebna pažnja je posvećena Prednacrtu zakona o građevinskom zemljištu za koji je istaknuto da je potrebno organizirati poseban sastanak zbog značaja tematike tretirane ovim Zakonom.

Razmatrana je i inicijativa Grada Tuzle za izmjenu Zakona o zaštiti i spašavanju ljudi i materijalnih dobara od prirodnih i drugih nesreća i Odluke Vlade Federacije BiH o uslovima i načinu korištenja sredstava ostvarenih po osnovu posebne naknade za zaštitu i od prirodnih i drugih nesreća s ciljem da se omogući finansiranje vatrogasnih jedinica iz sredstava za zaštitu i spašavanje, te fleksibilnije korištenje namjenskih sredstava iz ovih izvora u skladu sa potrebama jedinica lokalne samouprave.



Grb Grada Tuzla



Zajednička fotografija nakon sastanka gradonačelnika/načelnika Tuzlanskog kantona

ODRŽAN SASTANAK RADNE GRUPE ZA POMOĆ RADU MREŽE PRAKTIČARA

U Sarajevu je 25.09.2019. godine održan treći sastanak Radne grupe za pomoć radu Mreže praktičara/koordinatora Saveza općina i gradova FBiH i Saveza opština i gradova RS-a za poslove sa mjesnim zajednicama. Na sastanku je utvrđen dnevni red narednog sastanka mreža na kojem će se govoriti o ulozi mjesnih zajednica u slučajevima prirodnih nepogoda. Sastanak mreža će se održati 15.10.2019. godine u Sarajevu.



Sa sastanka Radne grupe za pomoć radu Mreže praktičara/koordinatora SOGFBiH i SOGRS za poslove sa mjesnim zajednicama 25.09.2019

ODRŽANA OBUKA NA TEMU: „RAZVOJ KOMPETENCIJA IZABRANIH ZVANIČNIKA U JLS ZA USLUGE VODOSNABDIJEVANJA, ODVODNJE I PREČIŠĆAVANJA OTPADNIH VODA“



Sa obuke održane u Bijaču

Savez općina i gradova Federacije Bosne i Hercegovine u sklopu Projekta „Regionalna mreža za razvoj kapaciteta za usluge vodosnabdijevanja i otpadnih voda na Zapadnom Balkanu“ (RCDN) u četvrtak, 24. oktobra 2019. godine u Bijaču, održao je obuku na temu: „Razvoj kompetencija izabranih zvaničnika u jedinicama lokalne samouprave za usluge vodosnabdijevanja, odvodnje i prečišćavanja otpadnih voda“.

Učešće u obuci su uzeli vijećnici, državni službenici iz općina / gradova i uposlenici javnih komunalnih preduzeća iz sljedećih JLS: Bijač, Bosanski Petrovac,

Konjic, Sanski Most i Travnik.

Cilj obuke je bio da se učesnici upoznaju sa pravim okvirom lokalne samouprave u sektoru vodnih usluga kako bi bolje razumjeli svoju ulogu i odgovornost, da razumiju važnost i potrebe za poboljšanjem organizacije pružanja vodnih usluga na nivou jedinica lokalne samouprave (općine i gradovi), kao i da zajednički razvijaju svoje kompetencije i na taj način osiguraju kolaborativni pristup pružanju vodnih usluga na lokalnom nivou.

Obuku su vodili Muamer Hadžić i Amra Hamzić u ulozi trenera i Amer Halilović, direktor JKP "Radnik" d.o.o. Zavidovići koji je prezentirao studiju slučaja vodosnabdijevanja na području općine Zavidovići.

Teme koje je obuka obuhvatila su sljedeće: 1. Opći aspekti vodnih usluga, 2. Integrisano upravljanje imovinom, 3. Investicije u kapitalnu infrastrukturu, 4. Upravljanje vodnim uslugama i 6. Tarifna politika.

Projekat u okviru kojeg se održava obuka usmjeren je ka povećanju efektivnosti i efikasnosti javnih komunalnih preduzeća iz oblasti vodosnabdijevanja na Zapadnom Balkanu, dajući doprinos boljem pružanju usluga s ciljem povećanja broja stanovništva koje ima pristup uslugama pitke vode i odvodnje, te da bi se zadovoljila pravna stečevina EU (Acquis Communautaire) za okoliš. Projekat zajednički finansiraju Švajcarski državni sekretarijat za ekonomske poslove (SECO) i Savezno ministarstvo za ekonomsku saradnju i razvoj Njemačke (BMZ), a realizira se kroz GIZ projekat "Otvoreni regionalni fond za jugoistočnu Evropu - modernizacija općinskih usluga" (ORF MMS)".



RCDN LOGO

ODRŽANA KONFERENCIJA MREŽE PRAKTIČARA/KOORDINATORA ZA POSLOVE MJESNIH ZAJEDNICA

15.10.2019. godine u Sarajevu je održana zajednička konferencija Mreža praktičara / koordinatora iz jedinica lokalne samouprave za poslove mjesnih zajednica, u organizaciji Saveza općina i gradova Federacije Bosne i Hercegovine i Saveza opština i gradova Republike Srpske, a uz podršku Projekta „Jačanje uloge mjesnih zajednica u Bosni i Hercegovini“, koji finansiraju Vlade Švicarske i Švedske, a provodi Razvojni program ujedinjenih nacija - UNDP.

Tema konferencije „**Uloga mjesnih zajednica u pripremama i provođenju mjera zaštite i spašavanja u slučaju prirodnih nepogoda**“ okupila je više od 60 predstavnika jedinica lokalne samouprave iz BiH. Predstavnici entitetskih uprava civilne zaštite su predstavili zakonski okvir sa posebnim naglaskom na prava i dužnosti građana u sistemu zaštite i spašavanja, kao i trenutne planove za zaštitu od prirodnih nepogoda. Takođe su predstavljani primjeri dobre prakse jedinica lokalne samouprave za unapređenje uloge mjesnih zajednica u pripremama i provođenju mjera zaštite i spašavanja ljudi i materijalnih dobara kroz prezentacije predstavnika civilne zaštite Grada Bijeljina i predsjednika dobrovoljnih vatrogasnih društava iz Visokog i Olova.

Predstavnik projekta "Jačanje uloge mjesnih zajednica u BiH", je u okviru teme "Efikasno smanjenje rizika od katastrofa u jedinicama lokalne samouprave i mjesnim zajednicama u BiH", predstavio urađenu Analizu pravnog okvira, planskih dokumenata i praksi.

Konferencija je ocijenjena kao veoma uspješna, učesnici su pokazali zainteresiranost za prezentovane teme, a doneseni su i određeni zaključci na osnovu kojih će se oblikovati smjernice za buduće djelovanje. Zaključke sa sastanka Mreže praktičara/koordinatora za rad sa mjesnim zajednicama možete preuzeti [OVDJE](#)



Zajednička fotografija nakon konferencije Mreže praktičara za poslove mjesnih zajednica

U ČAPLJINI OBILJEŽENA EVROPSKA SEMICA MOBILNOSTI



Evropska sedmica mobilnosti se obilježava u više od 2000 gradova i više od 50 država širom svijeta u periodu od 16. do 22. septembra. Općine i gradovi mogle su prijaviti svoje učešće putem interneta, birajući koje će sve aktivnosti realizovati u sklopu Evropske sedmice mobilnosti - održavanje sedmice aktivnosti usmjerenih na održivu mobilnost, provođenje jedne ili više trajnih mjera iz oblasti transporta. Ove godine, fokus je bio na bezbjedno pješačenje i vožnju bicikla, te korisnost koje ovakav vid kretanja može da ima na zdravlje, životnu sredinu i na troškove.

Savez općina i gradova Federacije Bosne i Hercegovine u saradnji sa GIZ ORF za jugoistočnu Evropu - Energetska efikasnost (GIZ ORF-EE) podržao je aktivnosti Grada Čapljina u sklopu EU sedmice mobilnosti.

Posljednji dan Evropske sedmice mobilnosti u Čapljini okupio je veliki broj posjetitelja i učesnika na održanoj biciklijadi pod nazivom „Zdravljem na dva kotača“, gdje je učestvovao i predstavnik Saveza općina i gradova Federacije BiH.

Gledajte Savez općina i gradova
Federacije Bosne i Hercegovine na



Sa obilježavanja Evropske sedmice mobilnosti u Čapljini



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova Federacije Bosne i Hercegovine na



Pratite Savez općina i gradova FBiH na



NAJAVA OBILJEŽAVANJA DANA OPĆINA I GRADOVA ZA MJESEC NOVEMBAR / STUDENI

17. novembar/studeni - Dan Općine Čelić. Na taj datum 1991. godine putem referenduma 99% stanovništva se izjasnilo za izdvajanje iz sastava opštine Lopare i SAO Semberija i Majevica.

18. novembar/studeni - Dan Općine Grude. Na ovaj datum 1991. godine osnovana je Hrvatska zajednica Herceg-Bosna, kao politička, kulturna, ekonomska i teritorijalna organizacija hrvatskog naroda u BiH.



Općina Čelić



Grb Općine Čelić



Općina Grude



Grb Općine Grude

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.